



Minggu, 16 Juni 2024

Ogen : Roma 4:16-17



Bapa Enterem Bangsa



Ibas sada media sosial pernah ban kalak sada penungkungen, nina; "kai atendu man katankenndu man nandendu?" E maka i bas kolom komentar melala singatakenca, "*ula kam erjabu man bapa, nande, kam patut bahagia*", "*ula kal gia kam jumpa ras bapa, me la mesui atendu*", "*erjabulah man kalak si ngkelengi kam, tadingken bapa ena.*" Bagem kira-kira piga-piga tanggapan si masuk. Arah si e siidah maka wari-wari enda mbue kalak ngidah sisi negative sosok bapa. Piga-piga kalak kebenen figure bapa si melias dengen mengayomi.

Amin bage gia, i bas sisi sideban si kurang terpublikasi, maka mbue denga nge bapa si erjuang guna anak jabuna, si erkelengen ate dengen melias man ndehara ras anak-anakna. Perjuangan sekalak bapa megati la teridah, sabap ia erjuang i darat rumah. Ngalaken panas ras udan, iusahakenna ncukupi nakan ras kebutuhen jabu. Perjuangan si la iidah e, labo ngatakenca maka perbapan e la erjuang. Perjuangan sekalak bapa seri nge ras perjuangan nande i tengah jabu. Kai gia si jadi i darat, seh kenca i rumah ia la banci lemah ras ngandung, sabap i bas barana e nge isi jabu e ngamparken sura-surana.

La lit bapa si serta, Abraham pe pernah ngkorbankan anakna, demi tuntutan kiniteken. Ia pe labo perbulangen si serta, Dibata kap netapkenca ia jadi Bapa kerina bangsa. I bas kelemahenna i je ia ipegegehi Dibata. E maka amin gia la serta bapanta, ergaken perjuangenna, kataken bujur ras tuduhkan keleng ateta ia tupung ia lit denga. Sabap uga pa pe ia, Tuhan kap netapkenca ia jadi bapanta. Selamat Hari Ayah Internasional.

☞ *Sekalak Bapa muniken ukurna, gelah mpetetap ukur isi jabuna.*